

433 »Tuot ûf!« »wem? wer sît ir?«
 »ich wil inz herze dîn zuo dir.«
 »sô gert ir zengem rûme.«
 »waz denne, belîbe ich kûme?
 5 mîn dringen soltû selten klagen;
 ich wil dir nû von wunder sagen.«
 »jâ, sît irz, vrou Âventiure?
 wie vert der gehiure?
 ich meine den werden Parzival,
 10 den Cundrie nâch dem Grâl
 mit unsûezen Worten jagete,
 dâ manec vrouwe klagete,
 daz niht wendec wart sîn reise.
 von Artuse dem Berteneise
 15 huop er sich dô. wie vert er nuo?
 den selben mæren grîfet zuo:
 ob er an vreuden sî verzagt?
 oder hât er hôhen prîs bejagt?
 oder ob sîn ganziu werdecheit
 20 ist beidiu lang unde breit?
 oder ist si kurz oder smal?
 nû prîevet uns die selben zal,
 waz von sînen henden sî geschehen.
 hât er Munsalvæsche sît gesehen
 25 unt den sûezen Anfortas,
 des herze dô vil siufzec was?
 durch iwer gûete gebt uns trôst,
 ob der von jâmer sî erlôst.
 lât hoeren uns diu mære,
 30 ob Parzival dâ wære,

h. hin ze dir.« *T (ohne V) (L)

den jungen Parcival, *T (nur T)

grîfen *T (ohne V) (L)

sî beidiu (om. O) *G *T (ohne V)

lât h. liebiu m., *T

*D: D *m: m *G: G I O L Z *T: T U V

1 Illustration mit Überschrift: Wie parcival Sýgunen in der clusen vant m · Überschrift: Van Parzifal auentiwer wie der sêz vnde gehiwer zû Trevirscent dem ainsidel cherte der in von got beweist vnd lerit hie gent Parzifals auentiwer wider an I · Prachtinitialen D · Großinitialen m T U · Initiale G I O L Z V 2 Majuskel T 3 Majuskel T 7 Majuskel T 17 Initiale I

13 wart] was *m 20 ist] sî *m 27 gûete] [*gûte]: gûte D 28 der] er *m I O L